



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni  
Salaminij lib. 9. Euagrij Scholastici Epiphanensis lib. 6

**Christopherson, John**

**[Köln], 1569**

De Synodo per Theophilum collecta, & de accusatione Iohannis  
Chrysostomi in Ruffinianis facta, & quomodo Iohānes, quia votatus non  
comparuisset, vt contumax à Theophilo depositus sit. Capvt XVII.

**urn:nbn:de:hbz:466:1-12718**

*De Synodo per Theophilum collecta, & de accusarione Iohannis Chrysostomi in Ruffinianis facta, & quomodo Iohanes, quia votatus non comparuisset, ut contumax à Theophilo depositus sit.*

## CAPVT XVII.

**T**heophilo autē, cum Cōstantinopolim traiecisset, nemo ex eius vrbis clericis obuiā processit. Erat enim iā deprehēsus episcopi hostis: Nautæ verò Alexandrini, qui tum Constantinopoli degebant, tum etiam ex aliis nauibus & maximè frumentariis collecti in vnū sunt, & alacriter illum cum laudibus exceperunt: Præterita igitur ecclesia ille in domum Imperatoriam venit, in qua ipsi diuersorium præparatum erat: & cum multos esse animaduerteteret, qui Iohannem odissent & accusare parati essent, reliquis prius dispositis prout commodum sibi fore videbatur, ad quercum profectus est: Est id suburbium Chalcedonis, quod à Ruffino consulari iam cognomen habet, in quo & Regia est & ampla ecclesia, quam ipse Ruffinus in honorem Apostolorum Petri ac Pauli extruxit, & Apostoleum ex ipsis appellauit. Monachos etiā in vicino collocauit, qui clerum ecclesiæ supplerent. Hoc loco Theophilus vnā cum cæteris episcopis cōueniens, de libris Origenis nullā quidem mentionem fecit, sed Schetenses istos monachos ad pœnitentiam inuitauit, pollicitus se neq; iniuriæ acceptę fore memorem, neq; mali quicquam esse facturū. Cum igitur suis clamoribus illos vrgerent fautores Theophili, ut veniā peterent, & interim simularem Synodum pro ipsis supplicare, monachi pertūbati, atq; hoc planè fieri oportere rati, multis episcopis præsidentibus, illud scilicet quod ipsis dicere solenne est, etiam si iniuriam fecerimus, ignosce, inquit: Theophilo igitur illos promptè in gratiam simul & in communionem recipiente, soluta est cognitio, quæ aduersus Scetenses istos instituta fuerat, quod opinor non ita successisset, si vnā cum reliquis monachis Dioscorus & Ammonius adfuissent. Nam Dioscorus iam antea mortuus in templo Mocij martyris est sepultus. Ammonius autem modò

cum synodus conuocaretur corpore languere cepit, & postquam ad Quercum traiecisset morbo grauius correptus fuit, ac non multo post finiuit vitam, & apud vicinos monachos vbi etiam iacet, splēdidam sepulturam sortitus fuit. Theophilus tandem vbi id intellexisset, illachrymasse fertur ac dixisse, quòd inter vniuersos monachos suos talis non esset, qualis fuisset Ammonius, etiamsi ipsi turbarum extitisset author. proeesserat interim illi & hoc ex sententia. Synodus porrò vniuersos Constantinopolis clericos conuocauit, depositionem illis minitata, qui non obtemperassent. Vocauit & Iohannem quoque, vt sese defenderet. Iussit autem, vt cum eo adesset Serapion & Tigris presbyter, & Paulus lector: Iohannes igitur & alios quosdam clericos familiares suos, & Demetrium Pisinuntis Episcopum ad illos mittens, ait se non detrectare iudicium, quin paratum esse, si prius tamen accusatores cognouerit, & obiectum crimen expenderit, coram ampliori Synodo sui defensionem suscipere. Neque enim se tam stultum fore, vt Iudices ferat eos, qui essent manifesti hostes. Indignantibus igitur Iohanni, tanquam non obediētī Synodo, episcopis, illorū qui hæc nūciarant nōnulli metu territi non sunt reuersi amplius. Demetrius verò, & quotquot Iohannis familiaritatem præferrebant, ad illum sunt regressi: Eodem autem die notarius ex aula festinabūdus adueniens, Iohānem vrsit, vt ad episcopos exiret, illos autem vt in ferenda sententia non cunctarentur. Cum igitur quater vocatus, ad œcumenicam synodū prouocasset, illi nihil aliud causati, quàm quod vocatus non obtemperasset, eum deposuerunt.

*Quomodo populus aduersus Theophilum eiusque Synodum tumultuatus fuerit: & imperatoribus maledixerit, et Iohannes proinde reuocatus episcopalem sedē recuperavit.*

## CAPVT XVIII.

**V**ulgus autem vbi hæc ad seram vesperam Constantinopoli resciuisset, ad seditionē insurrexit, & concursu mane ad ecclesiā factō clamitarūt, tū alia multa, tū quòd maior synodus de illo cognoscere deberet. & cū hi qui-